



UNIVERSITÄTS-
BIBLIOTHEK
PADERBORN

Universitätsbibliothek Paderborn

Hermannii Conringii De Antiquitatibus Academicis Dissertationes

Conring, Hermann

Helmestadii, 1674

Dissertatio Quinta. Habita II Ianvar. Anno CIC ID C XL. Cum Magistratus
Academicici munus aggrederer.

urn:nbn:de:hbz:466:1-12929

DISSERTATIO QUINTA.

HABITA II JANVAR. ANNO CIC IDC XL.

Cum Magistratus Academici munus
aggrederer.

Non non levi sane negotio hodie versamur, quando civitatem hanc Scholasticam, tam numero florentium civium cœtu insignem, regendi administrandi potestas ab uno in alium devolvitur. Omnia enim spectantibus Academiarum scholarumque instituta, nescio an quid aliud sive augustius, sive quod magis in rem sit eorum qui literis dant operam, temere possit occurrere. Enimvero multa præclara ab Ægyptiis, Chaldæis, & Persis, à Græcis, à Romanis, ab Arabibus, ab aliis gentibus in literarias scholas illas maximas collata fateor: nihil tamen animadverti haec tenus, quod mereatur comparari cum juris illa dicundi potestate, qua nunc Academiæ quæ vocantur in primis gaudent. Vel hoc uno certe felicior hodie conditio est discentium ac docentium, quam olim. Tametsi enim magno in pretio olim fuisse literatos viros, ac in primis magistros melioris doctrinæ certum sit, nec egeat probatione; ad hunc tamen felicitatis gradum ne aspirare quidem tum licuit. Certe nihil simile observare est in omnibus retrò seculis, apud omnes gentes; ne apud ipsos quidem Græcos, qui tamen vulgo creduntur eruditionis maximi cum cultores tum æstimatorum. Jam tum sæpe numero à me hoc ex loco eade re verba facta sunt. Ostensum enim, quam vilis olim etiam apud ipsos Græcos fuerit hominum doctorum conditio: longe vero hos

S 2 supera-

superatos ab Ægyptiis, ab Arabibus, à Persis, aliisque populis, quos illi Græculi uti barbaros contempserunt. Deducta porro est per omnia secula ad usq; duodecimum Christianæ æræ scholarum omnium historia. Ex qua luculente, nisi admodum me fallo, patuit: cum multa alia instituta quibus hodie stant potissimum vigentque Academicæ respublcae, haec tenus fuisse ignota: tum & propriam aliquam jurisdictionem Academicam neutquam fuisse in usu.

Et vero ut posterius nunc multis iterum probemus, nihil est profecto caussæ. Si cui tamen nondum in merito meridie sol ille veritatis lucet, primum cogitet, quod in nullis monumentis antiquis legere sit, animadverendi in juvenes deditos studiis literarum fontes vim potestatemque seorsim aliis quam qui civili magistratu funguntur concessam esse. Ut autem memoria ejus rei inter tot doctorum scripta ad nos non pervenisset, si illa obtinuerisset usquam, & est τὸν ἀδωμάτων. Cogitet deinde, quem admodum ipsæ Romanæ leges, quæ tamen immunitates & salario magistris decreverunt, secus quam factum fuerat à Græcis, cum aliorum magistratum tum Decurionum judiciis ipsosmet doctores subjecerint. Seculo quarto, quo tempore maxima fuit sub Romanorum quidem Imperio literas colentium libertas, ipsis Athenis Atticis Proconsuli paruisse Professores omnes & quæ ad eorum cathedras pertinent, luculente appetet ex iis quæ de Proæresi in Sophisticam cathedralm cooptatione prolixè narrat Eunapius Sardianus. Ipsius quoque Scholasticæ juvenitatis animadversionem unius fuisse Proconsulis jus, itidem discere est ex iis, quæ idem scriptor ἀτόπης disserit in vita Juliani Sophistæ, de tumultu per studiosos quosdam excitato, & super illa re instituto à Proconsule publico

Eunap. de
vit. Soph.
in Prozre.
fio.

publico judicio. Constantinopoli studiosam juventutem sub jurisdictione Praefecti Urbis, Beryti item sub imperio Praesidis Phoeniciæ maritimæ fuisse, idque ipsomet Justiniano approbante, liquet ex iis quæ à Cæfare isto sunt constituta in eos, qui serviles nonnullos ludos petulanter exercebant. Nam quod Beryti & Episcopus & Legum Professores in partem fuerint tracti à Justiniano, id videtur ad solam illius petulantiae coercitionem pertinere. Verba Cæsarissunt: *Et haec omnia in hac quidem florentissima civitate, vir excelsus Praefectus hujus almæ Urbis tam observare quam vindicare, prout delicti tam juvenum quam scriptorum qualitas exegerit, cura habebit. In Berytiensum autem civitate, tam vir clarissimus Praeses Phœnicie maritimæ, quam beatissime ejusdem civitatis Episcopus & Legum Professores.*

L. omnia
Cod. de ve-
teri jure e-
nucleando.

Quantum apparet, seculo demum duodecimo cœpit reipublicæ hoc scholasticæ genus constitui. Inde ortus hic splendor. Inde haec felicitas nostra. Quidni enim in felicitatis parte collocemus, quod rudium imperitorumque hominum, qui plerumque literaris literarumque studiosis minus esse æqui solent, foro & judiciis subducti simus? Sub initium ejus seculi universa Europa unicam duntaxat habebat scholam publicam Parisiensem, qua rudior quædam & Philosophia & Theologia, ut tum erant tempora, non male docebatur. Non multò post doceri publice Bononiæ in Italia cœpit Jus Civile Justinianeum, cuius per quam multa secula auctoritatem ipsi Itali & Romani vix leviter observaverant. Id factum ne sit publica Cæsarisslege, quod vulgo persuasum est, an privato potius Irnerii studio aliorumque consilio, non ego nunc dixerim. Neq; enim huc attinet dijudicare: & alibi id jam tum multis est disputatum. Quicquid autem hujus sit, id

Videlib. de:
Orig. Iur.
German.
cap. 21.

S 3

vide.

videtur constare, ibi primum jurisdictionis Academicæ fundamenta jacta esse.

Vide tem. **ANNU**s agebatur à nato Servatore post millesimum
pus ipsi Au- centesimum octavus quinquagesimus, quum in Roncaliis
thentice Subscriptū. (qui campi sunt Italiæ late parentes supra Padum, non pro-
cul à Placentia, loco conventibus publicis Imperii proce-
rum olim per celebri,) comitia celebraret prudentissi-
mus fortissimusque Germanicorum Cæsarum Fridericus
primus, is qui vulgo cognomento Barbarossa audit.
Bodin. I. 3. Vim sane Authenticæ verbis faciunt, qui omne hoc nego-
de republ. cium Friderico II attribuunt: et si hunc avo doctorem
Rubuff ad fuisse adeoque literatorum ordini impense favisse, lu-
Authent. bens & ultro confitear. Sed jam eo, quo diximus, tem-
pore, videntur multi studiorum gratia patriis laribus re-
licitis ad illos eruditionis mercatus quidem commigrasse,
qui tamen interim à vilissimis sæpe hominibus, qui lite-
ratorum ordini nescio quo naturæ vitio solent esse infen-
si, indignis modis haberentur. Ei rei uti occurreret, ut-
que im posterum meliore conditione viverent Scholastici,
tulit Cæsar laudatissimus, *habita* tamen, ut ipse loquitur,
super hac re diligenti inquisitione, Episcoporum, Abbatum, Ducum,
omnium Judicum (qui scilicet præerant iudiciis liberarum
Italiæ urbium) & aliorum Procerum sacrí palatij examinatione,
illam authenticam, quæ *Habita* audit, & Cæsare ita volen-
te Codicis Justiniane titulo *Ne filius pro patre annexa est.*
In qua & alia nonnulla sunt iis qui studiorum gratia pe-
regrinantur concessa, tum illud in primis, quod *erepti in-*
doctorum hominum foro, optione data, vel Episcoporum
vel Dominorum loci vel Magistrorum, jurisdictioni sele
subjecere tum potuerint. Verba constitutionis Cæsareæ
digna profectio sunt quæ hic audiantur, atque expendantur

accu-

accuratius. Verum tamen, inquit Imperator, si litem eis quisquam super aliquo negotio movere voluerit: hujus rei optione data Scholaribus, eos coram Domino, vel Magistro suo, vel ipsius civitatis Episcopo, quibus hanc jurisdictionem dedimus, conveniat. Qui vero ad alium judicem eos trahere tentaverit, etiam si causa iustissima fuerit, à tali conamine cadat. Hæc sunt illa verba quæ Academicæ jurisdictionis exordium præbuerunt. Exordium, inquam, & occasionem primam. Nequaquam enim cum illis possum facere, qui omnem Iurisdictionis Academicæ vim constitutione hac unice nituntur. Ignari, non esse eam legum istarum auctoritatem, uti & sequentia obligare secula possit, aut populos Imperio Germanico minime subditos. Qui & hoc ignorare, aut certe non attendere, videntur, à sententia illius constitutionis eam, qua nunc gaudent Academicæ, juris dicundi consuetudinem, haud parum diversam esse. Ac priorquidem error & jam alijs est à me castigatus, & quoniam valde est communis, patetque latissime, ac resplicas multas jam convulsit, nec non imposterum queat convellere, iterum uberioris aliquando est refellendus. Sunt enim qui illis Cæsarum legibus parem pæne vim adscribant atque æterno naturæ juri divinisque cœlitus latis constitutis. Qua opinione tamen fortè nec absurdius quidquam est nec in publicum exitiosius. Cæterum quam diversa sint mens illius laudatissimæ Authenticæ à consuetudine ac moribus jurisdictionis Academicæ, quæ nunc passim obtinet terrarum, non difficile est videre, si quis verba constitutionis cum iis quæ obtinent velit contendere.

Fortè autem operæ fuerit pretium, si vel ego brevibus nunc exponam Authenticæ sensum: quoniam in hunc campum sentio me deferri, nec ab hoc die id alienum est.

PRIMO

PRIMO autem loco occurunt observanda illa: si dicem eis quisquam super aliquo negotio movere voluerit. Enim vero quinam intelligentur voce eis, facilè ex Sequentibus constat Authenticæ verbis, ubi soli scholares nominantur, quotquot nempe studiorum causa peregrinantur. Etsi enim ante & Professorum facta fuerit mentio, hæc tamen optio fori ad solos Scholares diserte restringitur. Quo patet, tum quidem, atque hacce authentica, Professores nondum à foro civili esse liberatos. Id verò in primis notandum, respexisse hac constitutione Cæsarem Scholares (hoc nomine autem Italis veniunt hodieque illi qui nobis Studiosi aux Studentes vulgo audiunt) & quidem illos, qui studiorum causa peregrinantur. Ex quo facile est concludere, voluisse Cæsarem pertinere hæc privilegia ad Scholares, non tantum quando degunt in locis ubi scholæ habentur publicæ, verum etiam si alibi degant, modò in itinere sint & studiorum gratia peregrinentur. Nam profecto & qui est in iteri, nere peregre est. Ita autem interpretanda illa Cæsaris verba, cum consuetudo loquendi indicat, tum scopus Cæsaris, qui peregrinantum securitati voluit consultum, quæ in ipso itinere vel maxime laborat. Ut nunc taceam in eadem constitutione diserte dici, beneficium Scholaribus indulgeri, ut non tantum iis in locis, in quibus literarum exercentur studia secure vivant, sed etiam us ad illa veniant.

Scholaribus ergo seu studiosis qui studiorum gratia peregrinantur, ubi ubi vixerint, si quis litem velit intende-re fori optionem dat Cæsar. Nec verò est quod miremur, optionem esse datam fori. Erat quippe isthac ætate consuetudine receptum apud Italos, per omne Longobardorum regnum, ex Lotharii primi Cæsaris instituto, liberum arbitrium eligendi etiam Jura ipsa sive Romana, sive Lan-gobar-

gobardica sive Salica Francorum, secundum quæ licebat
cuique vivere & in judicium tracto judicari, si id publice es-
set professus. Eoque fori optio nihil tum quidem insolens
habuit, aut à moribus alienum.

Est autem paulo pressius videndum, quâ de LITE
Cæsari sermo sit. Per moltum enim refert. Potest e-
nim lis intendi & de caussa criminali, & de caussa civili,
& de caussa ecclesiastica. Quæ profecto differunt pluri-
mum. Perdifficile autem fortassis est exponere Cæsaris
mentem: cum interpretes doctissimi diversa admodum
sentiant. Ut autem quid ipse existimem præfiscini sub-
jungam: principio arbitror nequaquam agere Cæsarem
de caussa quæ ad forum Ecclesiasticum etiam perte-
nuit. Nec enim, quæ tum erat facies reipublicæ, licuit
amplius Cæsari caussam à foro Ecclesiastico deducere.
Tum verò ideo fori optio data studiosis, ne ab hominibus
indoctis patientur injuriam: id autem de Ecclesiasticis ju-
dicibus, Episcopis inquam, vel suspicari, illa profecto tem-
pestate, fuit nefas. Accedit quod Cæsar dicat, sese *Ma-
gistro & Episcopo* in controversiis Studiosorum jurisdictionem
dedisse. Non autem datur alicui illud quod jam ha-
bet. In Ecclesiasticis autem negotiis jam habebattum
Episcopus jurisdictionem.

Cæterum major controversia est de causis criminalibus,
an & illas comprehendenter Cæsar *littor* voce, nec ne. Neque
enim desunt qui usque adeò id negant, quasi non tantum
Cæsar de criminalibus non fecerit verba, verum etiam qua-
si non potuerit facere; quod scilicet merum imperium, ad
quod spectant criminales caussæ, concedi nullo jure pos-
sit vel debeat Academico collegio. Non desunt contrà
qui prorsus aliud profitentur. Quorum omnium argu-
menta cum alii recitant tum prolixè refert Matthias Ste-

T

pha-

Steph. l. 3.
 de Jurisd.
 part. 2.
 cap. II.
 I.
 2.
 3.
 4.
 Petri. de
 Vin. l. 3.
 epist. II.
 phanus. Cæterum inter hæc dissidia medium sequi sen-
 teatiam fortè fuerit tutissimum. Videtur enim, ut falsa
 est illorum opinio, qui merum imperium Academiis o-
 mnibus adjudicant, quasi aut concessum nulli sit aut con-
 cedijure nulli possit: ita & illos permultum falli qui in au-
 thentica hac Friderici meri imperii causas quoque intel-
 ligi volunt. Non patitur institutum, terere nunc tem-
 pus diversarum partium rationibus aut examinandis aut
 refellendis: satis fortè est, eas quæ me ita faciunt sentire
 in medium proponere. Et verò quum Cæsar diserte tan-
 tum dicat, *si quis litem eis super aliquo negotio intenderit*; quis
 non statim intelligit de civilibus & pecuniariis negotiis
 solis sermonem esse, neutiquam vero de capitalibus? De
 his certè non valere voces *negotii* & *litis* sed de illis, cum
 aliâ consuetudo loquendi indicat, tum optime monitum
 jam olim est à Juris Romani magistris *l. litis ff. de verbor.*
significationibus & alibi. Deinde dicit utiq; Cæsar nihil aliud,
 quam se jurisdictionem dedisse Magistro & Episcopo. At
 jurisdiction non est merum imperium. Quique dat tantum
 jurisdictionem merum imperium non dedisse censendus
 est. Profecto si & hoc imperium illis concessisset Cæsar,
 non præteriisset hoc utique saltim verbulo monere. Non
 enim interpretatione nimis benigne ampliandum est
 Cæsaris donum, ut quod conjunctum sit cum deminuti-
 one quadam jurisdictionis quæ loci domino competit.
 Quid quod Fridericus secundus Barbarossæ nepos Nea-
 politanam Academiam instituens expressis verbis ita san-
 ciat? *Omnes Scholares in civilibus sub eisdem Doctoribus & Ma-*
gistris debent conveniri. Quæ sanctio habetur apud Pe-
 trum de Vineis Cancellarium illius Cæsaris, libro episto-
 larum tertio. At hoc Friderico II nullus Germanici
 san-

sanguinis Imperator aut doctior fuit, aut literatis literarumque studiosis magis favit. Qui ergo ad civilia sola restringerit quæ avus Cæsar, fortis quidem indoctus tamen, etiam ad criminalia extenderat? Taceo nunc, vel illud solum fortè sufficere huic sententiæ probandæ, quod antiquissimi legum interpretes & qui proxime à Friderici I ævo absfuerunt, ad sola civilia privilegium hoc restringant. Est autem in primis maximi ponderis interpretatio illa, quæ ævo legis scriptæ quam est vicinissima.

In solis itaque CIVILIBVS negotiis & litibus optionem concessit Cæsar Studiosis judicem sibi eligere, & quidem ceu videtur unum ex tribus, non autem alterum duorum. Repetamus verba Cæsaris quo res fiat expedita. *Hujus rei, inquit, optione data scholaribus, eos coram Domino, vel Magistro suo, vel civitatis ipsius Episcopo, quibus hanc jurisdictionem dedimus, conveniat.* Quibus verbis tres profecto optione data in judices proponuntur: Dominus scil. loci, Magister Scholastici, & civitatis Episcopus. Certe accurate verba examinati non potest non videri, Cæsarem liberum reliquisse Studio, non tantum velit Magistrum suum an potius Episcopum judicem, sed etiam velitne judicem Dominum loci.

BREVITER itaq; omnia ut comprehendam, hic veterorum genuinus esse sensus videtur. Omnes Scholares qui studiorum gratia peregrinantur, ubicunque etiam degerint, si quidem super aliquo civili negotio convenienti sint, optionem habeant judicem sibi in lite intentata accipere, aut Dominum loci cui alias jam ante competebat jurisdictione, aut Magistrum, aut denique Episcopum illius civitatis ubi lis intenditur; quibus peculiari indultu Cæsar juris dicundi potestatem largitus est. Hic inquam est sensus nobilissimæ illius authenticæ, sine

T 2

amore

amore, & procul affectu partium illarum in quibus ipse vivo, quibusque adeo me studere plurimum haud difficit, paucis & simpliciter expositus.

Omnino autem illius Authenticæ sensus genuinus tenendus nobis est eo accuratius, quoniam illi originem debent Academiæ omnes Europææ, non tantum, dico, Romano Imperio quæ accensentur, sed & quotquot reperiuntur alibi, sui quo fruuntur liberi regiminis. Et vero ad hoc exemplum demum constituta est libertas NEA-POLITANÆ omnis generis disciplinarum Scholæ, illa quam nacta est beneficio Friderici II Cæsaris. Non multum ante mentionem ejus jam fecimus; meretur autem res ipsa, nec alienum est ab hoc loco & instituto sermone, uti recitemus omnia privilegia Academiæ illi tum concessa, prout paucis illa comprehenduntur in optimi illius Cæsaris literis publicis quibus Scholares, uti loquitur, ad Studium Neapolitanum tum invitavit: præsertim

Petr. de
Via. l. 3. poterit hæc recitasse. *Conditiones (inquit) quas Scholaribus conscripsit. II.* cedimus, erunt iste. In primis, quod in civitate predicta Doctores & Magistri erunt in qualibet facultate. Scholarares autem, undersung, venerint, securè veniant morando, stando, & redeundo, nam in personis quam in rebus, nullam sentientes in aliquo lesionem. Hospitium quod melius in civitate fuerit, Scholaribus locabitur, pro duarum unciarum auri annua pensione: nec ultra estimatio ejus ascenderet. Infra predictam autem summam, & usq; ad illam, omnia hospitia astimatione duorum civium & duorum Scholarium locabuntur. Museum fieri Scholaribus ab illis, qui ad bac fuerint ordinati, secundum quodvis necessitate fuerit datum liberum in pignore & precario restitutis; receptis à Scholaribus fidejussionibus pro eisdem. Scholaris vero qui museum recipiet, iurabit, quod de terra aliquacunq; non recedes, donec precaria restituas,

vel

vel mutuum ab eo fuerit exolutum, vel alias satis factum fuerit
creditori. Prædicta autem precaria & creditoribus non revoca-
buntur, quâm diu Scholares voluerint in Studio permanere. Item
omnes Scholares in civilibus, sub eisdem Doctoribus & Magistris
debeant conveneri. Paulo post: De frumento autem, vino, car-
nibus, piscibus, & aliis quæ ad victimum perirent, modum nullum
statuimus: cum in his omnibus abundet provincia: quæ venden-
tur Scholaribus secundum quod venduntur civibus & etiam per
contradam. Hactenus Cæsar. Jam ante verò in iisdem li-
teris dixerat: *Insuper Studiosos viros ad servitia nostra non sine
meritis & laudibus convocamus: secure illis qui discreti fuerint,
per instantiam Studii, iuris & justitiae regimina committentes.*
Quæ verba videntur spectare ad regimen illius Academiæ
sive Studii, uti loquebantur, Magistris commissum. Ut ve-
rum tamen fatear, fortassis jam antehac Neapoli, ut & Sa-
lerni, ejusmodi libertas saltem ex parte obtinuit. Id sane
uti luspicemur faciunt verba ejusdem Cæsaris ad Capita-
neum Siciliae super reformatione (uti habet argumentum e-
pistolæ) Studii Neapolitani. Quæ hæc sunt. *Ad hoc igitur epi-
nam salubre convivium Magistros quos liber & Scholares hilariter
invitamus: fidelitati tua mandantes, quatenus præsens benepla-
situm nostrum per jurisdictionem tuam solenniter studeas publi-
care: firmam singulis fiduciam oblaturus, quod immunitates &
libertates omnes, quibus O L I M iam in Neapolitano quam in Sa-
lernitano Studii urbi & gaudere sunt soliti, faciemus universis &
singulis illuc ire volentibus inviolabiliter observari.* Cæterum
ut obtinuerit ejusmodi quædam libertas jam ante, tamen
& hanc ad exemplum illius per Fridericum I Cæsarem
concessæ ortam, nemo temerè diffitebitur.

Etiam PARISIIS seriùs cœpisse, adeoque non nisi ad
exemplum illud laudatum constitutam esse Scholæ illi suam

T 3 liber-

libertatem, certius pene affirmaveris. Principi sane Ludo-
vico IX Regi, illi qui sanctorum ordinis est infertus, tribu-
Vide Mid.
dendorp. I.
6. de Ata-
366.

unt hæc quæ jam recitabimus. Concedimus & volumus quod o-
mnes & singuli, de quacunq; natione vel regione oriundi, de corpore
dem. pag. Universitatis Parisiensis existentes & esse volentes, ad eam acce-
dere, morari, redire, & se, nuncios suos, resq; suas utiles trans-
ferre pacificè, & liberè absq; ulla inquietatione possint, sicut melius
videbitur ipsis expedire. Hæc autem est ipsa authenticæ
nostræ Cæsareæ non nisi pars prior. Non dubito autem &
reliqua ab optimo illo Rege addita: utpote quum certum
sit, hunc privilegiorum & immunitatum concessione Pari-
siensem Scholam ab imminentे interitu vindicasse: quod
uno hoc utique effici non potuit. Rem omnem narrare
hic verbis Pauli Æmilii locupletissimi Gallicarum recum

Paul. AE-
scriptoris nihil impedit, imò res exposcere videtur. Lute-
mil. l. v.
Histor. in tie, inquit ille, florebant liberalia studia: juventutis concursus
Ludovici undiq; illuc fiebat. Scholastici suorum nonnullos à civibus pulsa-
IX. rebus.

tos conquesti, alii in alia ceterarum urbium musea concessere.
Anglus (is erat Henricus III) propositâ ingenium premio-
rum, honorum, vacationum, emolumentorum spe, aliquot eorum
millia Oxonium elicuisse. Solitudo exiliumq; literis indictum vi-
debatur. Rex non minus decoris liberales artes, humaniora stu-
dia, sacram disciplinam, culrum ingeniorum Franci, quam arma
afferre prædicans, egregiamq; consociationem fore, bellicarum
rerum gloria cum divinarum humanarumq; rerum cognitione do-
ctrinag; conjunctâ: regiæ Urbis cives ad officium colendosq; Do-
ctores discipulosq; revocavit. Suus ingenuus artibus honor habi-
tus. Id quasi anno tertii decimi seculi secundo post tri-
gesimum acciderit, observans Joannes Tilius, diligens re-

Til. in rum Gallicarum scrutator, chronico suo hæc verba in-
Chron. seruit: Schola Parisiensem à D. Ludovico restituitur, qua pro-
pter

pier motus, injurias, & cædes scholasticis illatas dilabebatur. Eam autem Rex Anglia ad se pellicere, & Oxoniam instituere studiebat. Hæc post Paulum Tilius. Videtur vero ejusdem Regis Ludovici rogatu Parisensi Scholæ indulisse Innocentium IV ea quæ Papirus Massonus commemorat inquisens: Auditores Parisiensis Academiæ vœtigalibus exemit (quod tamen quo jure per Pontificem fieri potuerit haud video) Papa.
Mass. I. 5.
de vit. & ne extra Lutetiam per literas Apostolicas super litibus inter eos exortis trahantur, primus omnium vetuit Perusii Non. Iunij Pontificatus anno nono: ut in chartario ejusdem Academiæ invenio. Ejusdem Innocentii videtur esse hæc ad Universitatem, ceuloquimur vulgo, Parisensem epistola: Gratiam vid. Mid-vobis facere volentes specialem, statuimus quod nullus in Vni-versitatem vestram Magistrorum & Scholarium, aut Rectorem vel Procuratores vestros, conjungit aut quarumcumque Faculta-tum, seni quenquam alium, profecto vel occasione ipsius Universitatis, excommunicationis, suspensionis, vel interdicti audeat sententiam promulgare, absq; Sedis Apostolicæ licentia speciali. Et si fuerit promulgata, ipso jure sit irrita & inanis. Fortassis tamen hoc (magnum sane) privilegium denique ab Innocentio VI profluxit, quem Academiæ illi multum indul-sisse, aliunde constat. Utut vero sese illud habeat, Parisis quoque seriùs cœpisse Scholasticam illam liberam jurisdictionem, & non nisi ad exemplum ejus quod constituerat Fridericus Cæsar, ille fortissimus id nominis primus, non potest nec debet negari.

SED antequam pergamus, observanda omnino nobis veniunt etiam illa Authenticæ nostræ verba: Qui verè ad alium judicem vos trahere tentaverit, etiam si causa justissima fuerit, à talis conamine cadat. Hæc, inquam, verba merentur notari: utpote cum sic satis gravipœna in eos qui Studiososos trahere

trahere nituntur ad forum alienum, animadvertisendum
Cæsar censuerit. Non enim alia verborum mens esse vi-
detur, nec aliter etiam illa ab optimis interpretibus vul-
go accipiuntur: quam caussa etiam justissima cadere, qui
tale quid conati fuerint. Ut proinde si iidem in foro com-
petenti velint iterum Studiosum convenire etiam justissi-
mis de caussis, tamen non sint audiendi.

QVANQVAM verò hæc tum ita placuerint Cæsarum
illi maximo & Imperii Proceribus, qui tamen post vixere
Cæsares, Reges, Pontifices, haud parum ab iis discesse-
runt, ex quo frequentiores passim terrarum Scholæ hu-
jusmodi Vniversales, uti vocant, erectæ sunt. Namque
ubivis quidem è medio sublata est illa sibi judicem eligen-
di potestas. Ubivis item loci Dominis jurisdictione in tan-
tum est erpta, ut urbano alicui magistratui se se subjecere,
ubi possit habere judicem alium, Studio amplius non li-
ceat, si sane velit particeps esse immunitatum & privile-
giorum ordini illi concessorum. Certi contra passim
judices instituti, quorum forum sequi Studiosus teneatur.
Quod dubio procul evenit inde, quia optio illa judicis
non potuit non sæpe turbas dare, & nocentem reum omni
judicio subtrahere. Quo nihil est pernitosius in com-
muni vitâ, præsertim si magnus sit nocentium numerus.

Verùm certa illa jurisdictione non ubivis eodem est mo-
do instituta. Seculo enim decimotertio nec non quarto-
decimo, quum raræ essent Scholæ hujusmodi Academicæ,
ingens autem juvenum multitudo literis daret operam,
evenit ut nonnullis in locis aliquot millia ex diversis Euro-
pæ terris convenienter. Testantur annales, vixisse aliquan-
do Lutetiae Parisiorum triginta studiosorum millia. Quod
ut minus miremur olim contigisse, facit Theodorus Go-
thofre-

Vide Filef.
I. de Orig.
Statutor.
Facultat.
Theolog.

thofredus scriptor Gallicus, referens Rectorem Universi-
tatis Parisiensis promisisse, ad exequias regis Caroli II^X^{Goth. Lee-}
tatis remonial. de France
sele ductorum omnem Studiosorum ejus loci cœtum, hunc pag. 43.
autem creditum exceedere numerum viginti quinque mil-
lium. Eduardo I Rege Oxoniæ vixisse millia triginta
Studiesorum, ex Armachano testatur Guiliehmus Camb.^{Cambden.}
denus. Azonis magni illius J^Cti ætate, quæ est tertio deci-
mo seculo, Bononiensi in Academia fuisse decem millia
Studiesorum auctor est Odofredus, magni & ipse nominis
Jurisconsultus. In hac Germania nostra Viennam septem
millia sæpe numerare, scribit Antonius Bonfinius. In eâ ju.^{Bonf. Rec.}
venum multitudine quin & petulantes plurimi fuerint,^{Vngaric.}
quis dubitet? Mittuntur enim in Academias haut pauci mo-^{decad. 4.}
ribus jam ante non bene instituti: ad quos accedente ætate
juvenili, & vivendi majore libertate, sodalium que nume-
ro, vix potest non petulantia nasci. Et sane jam olim iis
moribus infectos illos fuisse, qui suâ ætate literis dabant o-
peram Lutetiæ, multis conqueritur vir probus & doctus
Jacobus à Vitriaco Romanæ Ecclesiæ Cardinalis; is au-
tem diem suum obiit, anno post millesimum dñcente-
simum quadragesimo. Cui rei & annales assentuntur,
quando narrant (id quod paulo ante ex Paulo etiam Æ-
milio & Joanne Tilio recitavimus) ejus seculi tertii decimi
anno tricesimo secundo ita Lutetiæ in mutuam pugnam
exarsisse Studiosos atque Urbanos cives, ut post cladem in-
gentem aliquot millibus Oxoniæ Rege Angliæ invitante
commigrantibus, tota pene interiisset celeberrima
illa schola, ni seditionem hanc prudentia Ludovici Gal-
liarum Sancti regis coercuitset. Etiam Azonis tempo.^{Caccalup.}
re, seculo eodem tertio decimo, quum decem millia Stu^{de modo}
diosorum Bononiæ versarentur, magnam fuisse jam tum ^{studend.}
dec. 10.
versarentur, magnam fuisse jam tum ^{dec. 10.}

vim factionum & criminum , testantur alii iisque non pauci.

Illis moribus atque illo Studiosorum numero, ut necessarium fuit firmare certam jurisdictionem, & momentaneam illam ex votoreorum abolere , ita neque Doctores neque Episcopi juri dicundo pares visi sunt. Habitumque utilissimum fuit, ex ipso Studiosorum numero judices capere: ne quis haberet quod de judice minus favente posset conqueri. Hinc in certas tum nationes, quas dixerunt, divisa Studiosorum multitudo , quarum singulis praesesset unus, qui porrò communem aliquem Rectorem eligerent. Ex quo , cum omnis jurisdictione penes Praesides hos ac Rectorem esset, nova plane jurisdictionis facies emersit.

Ubinam primò id institutum sit, haud temerè dixerim: id observare est, seculo tertio decimo cœpisse, atq; in omnes Scholas, quæ & illo & sequente seculo imò multis post annis fuerunt aut erectæ aut legibus arctius constrictæ, hanc jurisdictionis faciem fuisse introductam. Quapropter hodieque in omnibus ferè Galliæ & Italiae scholis antiquioribus manet illa Studiosorum in varias nationes. Nationumq; Procuratores seu Consiliarios ut vocant distinctio, qui ipsi sibi Rectorem quem ei rei idoneum credunt præficiunt.

Quanquam non omni ex parte idem ubivis obtineat. Habet hodieque, multum immunita licet suâ dignitate, Parisiensis schola nationes quatuor, Francicam, Picardicam, Normannicam, Alemannicam. Alemannicæ autem nomine comprehenduntur primo Bohemi, Lusatii, Poloni, Silesi, Bavari, Dani, Vngari, Helvetii, Basileenses, Moguntini, Treveri, Augustani, Argentinenses: secundo Belgæ, Colonenses, Borussi, Saxones & Lotharingi: tertio, Angli, Scotti, Hyberni. Harum porro quatu-

Vide Ioan.
Filefac. l.
de Orig.
Statut. Fa-
cult. Theoc.
log. Parif.

quatuor nationum cuius sunt duo Pedelli dicti argenteis
sceptris ornati, qui Procuratori (ita appellant) inserviant.
Hi quatuor vero nationum Procuratores Philosophiae ali-
quem Magistrum ex suo ordine in Rectorem eligunt: in me-
moriam ejus, quod prima Scholæ origo ætate Caroli Magni
sola Philosophiae professione ac disciplinâ constiterit.

Patavii jam Urbano IV Pontifice (qui præfuit Roma-
næ Ecclesiæ anno post millesimum ducentesimum sexage-
simi primo, usque in 64) si quidem credimus Antonio
Riccobono id ipsum narranti *libro de gymnasio Patavino*, in-
oleverat, post constituta variarum Nationum discrimina,
ex earum Præsidibus eligere Rectores binos, quorum alter Vide Ric-
cobon. I.
de gym.
Patavino.
Italis alter Transalpinis jus diceret. Et duravit ea consue-
tudo, eodem teste, usque ad tempus illud, quo in gratiam
Francisci Carrariensis, Universitate Studiosorum Philoso-
phiæ Medicinæ & Theologiæ ab Universitate eorum qui
Vtrumque Jus aut docent aut discunt secessione faæta, ex
una Scholâ duæ ibi enatae sunt, statutis & jurisdictione di-
visæ, quavis suum sibi Rectorem suffragiis Consiliariorum,
ut appellant, Nationum suo ex ordine constituerent. Qua-
rum altera hodie Artistarum; altera Jurisprudentum usur-
patur. Reliquæ Italicae Academiæ proprius videntur abes-
se à Parisiensium institutis.

At Salmanticensis (quæ Hispanicarum est præcipua)
longè aliam obtinet regiminis rationem. Scribit enim
Antonius Possevinus *libro primo Bibliotheca selectæ capite*
octavo, illi scholæ à Martino V Pontifice præfectum esse
cathedralis ibidem Ecclesiæ Scholasticum qui appellatur,
delata ei amplissimâ auctoritate, (verba recito Possevini)
quæ Studiosos civilibus & criminalibus pœnis posse coercere;
servata provocatione causarum Sedi Apostolice vel ejus admis-

nistris qui futuri essent in Hispania. Rectorem hic eligit ex praecipua Academiæ nobilitate, nec non octo Consiliarios ex octo Hispaniarum regnis, quorum simile est suffragium ad Professores constituedos. Itaq; ibi profecto jurisdictione non est penes Rectorem ex Studiosorum numero electum, nec penes Magistros, sed penes unum e' potissimum collegii Cathedralis Canonorum. Quod forte institutum inde manavit, quoniam clerus illius Cathedralis Ecclesiae Salmanticensis in usum Academicorum Doctorum tertiam suorum redditum partem ultrò quotannis largitur. Quod itidem testatur Possevinus.

Germania serius accepit hujusmodi Scholas, & quidem declinante demum seculo decimoquarto. Etsi enim Vienœ jam anno 1137 aliquam erexerit Fridericus II Cæsar, cum ipso tamen Imperatore videtur non multò post illa concidisse, nec nisi demum anno 1360 renata. Post hæc verò longè plurimæ apud nos sunt institutæ. Observare autem est, antiquiores quidem jurisdictionis ordinem eum ferè accepisse primum qui Parisiis obtinebat, sed plerasq; post mutasse, omni potestate in arbitrium Professorum delata: recentiores autem ab initio statim in eam regimini formam consensile quam nunc passim per Germaniam obtainere cernimus. Manent enim hodieque in illis antiquioribus Nationum discrimina & pristinæ dignitatis potestatisque vestigia. In iis verò quæ præter propter post seculi decimiquinti annum octuagesimum fuere institutæ, ab initio statim omnis jurisdicundi potestas in Professorum collegium, volentibus ita patronis, à Pontificiis aut Cæsaribus fuit translata. Memorat Wiguleius Hund Metrop. in præclaro illo opere quo res Metropolitanæ Salisbur. tom. 2. p. 417. edit. rum scholam à Pio secundo Papa & Ludovico Bavariae Du-

Hund: in
Metrop.
Salisburg.
tom. 2. p.
417. edit.
Geyvoldi.

ce an-

ee anno 1472 confirmatam, initio quatuor insnationes, Bavanicam, Rhenensem, Franconicam & Saxoniam fuisse quidem distinctam, cum potestate singulis semestribus Rectorem ex suo ordine eligendi: sed illud institutum ut moribus minus aptum statim esse abolitum, in Senatum Academicum rejecta tam Rectoris eligendi quam omni reliqua potestate. Et profecto ita est. Institutum illud vetus sequenti ætate nullum habuit usum, quod præ Academiarum multitudine rara postea fuerit Studiosorum in singulis copia, quorum porro longè potissima pars juvenili ætate in Academiam venit, atque adeo quam maxime indiget alieni regiminis.

EX HIS vero manifestum est, et si jam duodecimo seculo per Friderici illam Authenticam crepti sint literarum Studiosi hominum indoctorum foro, sequentibus tandem temporibus justam reipublicæ faciem Academias accepisse: in hanc autem jurisdictionis formam, quæ apud nos in Germaniâ nunc obtinet, non nisi sero demum & vix ante annos centum quinquaginta deventum esse. Nec enim jurisdictionis tantum alia post facies cœpit, sed & mixtum imperium, cuius in Authenticâ nullum extat vestigium, omnibus post Academiis Europæ concessum est. Non enim credo ullam inveniri, quæ non modicam habeat petulantiores coercendi potestatem, per multas pecunias, per carcerem, per relegationem, per exclusionem.

Quid quod nonnullæ & merum imperium in suos sint consequutæ? Quod soli vel negant vel nesciunt rerum Academicarum imperiti. Academias Viennensi illud adscribit disertè Middendorpius: Tybingensi Sichardus: Oxoniensi, Parisiensi, Ingolstadiensi Scipio Gentilis. De Salmanticensi Hispanorum Academia scribit Antonius

V 3

Posse

Middend.
l. r. p. 302.
Sichar. ad
Authent.
Hab. n. 22.
Gentil. ad
auth. c. 8.
&c l. 3. de
jurisd. c. 17.

Possevinus à Martino V Papa concessam Scholaſtico Ca-
 thedralis Ecclesiæ illius loci plenam auctoritatem juris
 dicundicū mero & mixto imperio, Papa ſoli ſervato pro-
 vocandi jure: ceu jam ante narravimus. Quod Acade-
 mia Gryphiswaldensis in poſſeſſione meri ſit imperii, no-
 torium eſt, inquit Matthias Stephanus illius ſcholæ cele-
 berrimus quondam Doctor. Noſtrā hanc Julianam ea po-
 teſte gaudere loquuntur privilegia noſtra. Non ad-
 ducam nunc in medium Academias reliquas, ne ſoli lucem
 videar velle ſcenerari. Non poſſum tamen silentio præteri-
 Bodin. 1.3. re id quod ſcripsit Joannes Bodinus. Gregorius, inquit,
 de republ. XI Pontifex eo rescripto, quo quidem Urbani V & Innocentii VI
 cap. 7. rescripta Pariforum Academie renovavit, illud uno capite ex-
 cepit: ut ſi Scholaſticus homo ſcelus admiferit, Pontificis Parifio-
 rum ſit cognitio: altero capite pro debito quenquam nocti prohi-
 buit. Sed noſtri Reges ac magistratus Pontificiis legibus ſe non
 teneri, ſape declaraverunt. Ita Bodinus. Quamvis verò Pa-
 pali hoc privilegio haud nitatur Parifiensis ſchola, longe
 tamen certiſſimum eſt, non multò post Gregorium XI il-
 lum Papam, ejus imperium merum gravi animadversione
 vindicatum eſſe in Praefectum Virbanum, ſeu Mercatorum
 uti nuncupant; qui cum anno post millesimum quadrin-
 gentesimum tertio aut, ut nonnulli volant, quinto, duos
 Studiosos in furca ſuspendiſſet, eosdem detractos oſculo
 excipere & honestæ ſepulturæ reddere coactus fuit. Resa
 multis adeò extati illi vicinis conſtanter narratur, ut in du-
 biu vocari temerè nequeat. Sed & ſepultura hodieque
 ſupereret in monaſterio Maturinorum, hac tumbae additâ
 Limn. in Addit. ad inscriptione: Hic fabius jacent Leodegarius de Monsel de Nor-
 mania, & Oliverius de Burgeois de Britannia oriundi, clerici
 n. 28. Scholares, quondam ducti adiustitiam ſecularem, ubi obierunt,
 benori-

*honorisice restituti, & hic sepulti Anno Domini MCCCC VIII.
Mense Mayo.*

Cæterum (ut ante dictum) omne hoc quicquid est
meri imperii, non vi Authenticæ Friderici Cæsaris, nec sta-
tim illo tempore quo hæc lata est, sed diu post, idque novo
Cæsarum, Regum, Pontificumque beneficio Academiarum
aliæ atque aliæ consequitæ sunt.

Hic porrò etiam Regius habitus, quo ornantur Recto-
res passim per omnes Europæ Academias, diu post Frideri-
ci Barbarossæ ætatem cœpit. Quando primum Sceptra
argentea cum hac epomide purpurea in Academias vene-
rint, nondum equidem compertum habeo. A Pontificibus
Romanis esse, non dubito. Id enim arguit vel illud solum,
quod ubivis terrarum Europæ hic habitus obtineat. In quæ
loca hujusmodi quid introducendi, nec Cæsarum nec Re-
gum in potestate fuit. Sed & unde omnis purpureus ha-
bitus in clericum & eruditos devenerit nisi à Romanis Ponti-
ficibus? Sanè nemo non videt Epomidem hanc purpuream
Cardinalium Romanorum vestitum æmulari. Et alias, in
Europa quidem, purpureus aut coccineus color à Curia Pa-
pali demum clero est consecratus. Ea propter quoque ni-
hil dubito, post Pauli secundi ætatem primum hoc quic-
quid est in Academias pervenisse. Is enim omnium primus
Cardinales Romanos coccinea hujusmodi veste insignivit,
quos ante Innocentius IV, quo major ordini auctoritas
accresceret, equo & rubris galeris donaverat. Nec enim
vero est simile, Academiarum Rectores ante Cardinales
ipsos hoc invidendo & regio schemate usos. Præfuit au-
tem Paulus ille Papalis sedi ab anno post millesimum qua-
dringentesimum quarto sexagesimo ad septuagesimum
primum. Quotamen tempore an statim & in Academias
vesti-

Vide Pla-
tin in Pau-
lo II.

vestiment isthuc genus penetraverit, equidem dicere non audeo. Sed & parum refert hujus *Paragia* (liceat mihi quod res est fateri) originem primam accurate novisse.

Onuph 1.3. de Pontif. & Cardin. Notari autem meretur quod scribit Onuphrius, Innocentius quartum Papam quum pileum rubrum Cardinalibus erat. concederet, significare voluisse, eos qui in illum ordinem legem. In not. ad *Plat. Inno. cent. IV.* rentur paratos esse debere pro libertate ecclesiastica propriam si opus est viam mortis exponere. Id quod si ita est (nam Pla-

Platia. in vita Lanoc. tina duntaxat narrat factum illud honestandi ordinis causa)

indubie isthuc habitu non subducere tantum omnem Academicum coetum & in scholis creatos Magistros ac Doctores callide voluit Papa imperio Cesarum Regum & Principum, adeoq; sibi uni subjecere, sed & animare eosdem ad imperia ejusmodi etiam legitima omnia excutienda. Et verò ex eo passim cæpere omnes Academicici clericorum ordinis accenseri: recte tamen longe aliter judicavit de Par-

Vide Chop. siensis Academiæ membris supra nobilissimæ illius Vr-

pin. de de-

mario

Franc. I. 27. p. 18.

Quamvis autem proprii commodi potius quam studiorum ipsorum gratia tantum non modum excesserint hoc ipso Papæ, videntur tamen etiam ipsi Cæsares Regesq; cum Papis quasi contendisse in ornandis Academicarum Rectoribus. Adeo enim optimis Europæ Principibus curæ fuerunt aliquot per secula Academiæ, ut nihil non ornatorum iis contulerint. Quid enim ad Academiæ auctoritatem conciliandam splendidius possit constitui, quam (ut uno hoc nunc exemplo utar) quod Parisis Universitas pri-

Filescus 1. de Orig. Statutor. Facultat. Theol. mogenita Regis filia audiat, & in solemnibus conventibus Rectori primus locus præ ipso Nuncio Apostolico concedatur? Non multum inferior est conditio Rectoris Academicici apud Vbos. Cedit enim ibi quidem loco non

Archig-

Archiepiscopo tantum sed etiam Papali Nuncio, huic tam
men proximum semper occupat. Lovanii ne Nuncio qui- Middende
dem illi cedit Rector, nisi is simul fuerit Legatus à latere, l.s.p.166.
ceu vulgo appellamus. Sed & ubivis ferè locus proxi- Vernul. I.
mus Principibus aut Patronis Rectori Academico solet I.de Acad.
ultrò tribui. Prudentissimus Senatus Venetus Patavinæ Lovaniës.
Scholæ suæ Rectori non purpura tantum sed & aurea sto- C. 6.
la induere se permittit, & magistratu abeuntem cum Do- de republ.
ctoris titulo exornat, tum torque aureo donatum Ordini Vcn.
equitum S. Marci inserit. Huc verò pertinet etiam illud
quod, ex Cæsarilis Maximiliani singulari privilegio, nostræ
Rector Juliæ simul & Lateranensis Palatii Comitiva pol-
leat, & ipsi Serenissimi Principes Brunsvico Lyneburgici
hanc dignitatem sibi propriam esse voluerint. Quid imus
autem per exempla? Tantum non ubivis ea est Academicici
Rectoris dignitas, ut ex præclarissimorum Jurisconsulto- Menoch. I.
rum sententia, injuria ipsi illata capitali suppicio vindicanda sit, & Papiæ quoque ita sit vindicata; prout testis est 2. cent. 3. de
Menochius. arbitr. Iud. quæst cap.
26. n. 15.

SED QVID ego hisce narrandis immoror? Utinam,
Auditores, tam facile sit hoc munus administrare quam
multum splendoris habet & dignitatis! At me profecto, qui
eam nunc provinciam aggredior, ita hodie ejus terret dif-
ficultas, ut nisi & legibus Academicis, & amplissimo vestro
judicio, Collegæ honorandi, & quod præcipuum est Serenissimi
Principis voluntate, quæ mihi non potest non pro
lege esse, huc adactus essem, numquam illam suissem aggressus.
Etsi enim in vobis, Patres Academicici, post Serenissimum
Principem nostrum, cuius ego vices nunc gero, ma-
gnum mihi sciam præsidium positum: quin vestra etiam, O
Juvenes, & virtus & erga me benevolentia non ferat quic-

quam sequius de quoquam suspicari: nihilominus nescio
 qui haud levis & timor & horror me quasi circumdat. Faxit
Deus Opt. Maxim. ut vanus ille sit, inque gaudium mutet.
 Ego quod suscepi cogor seriò nunc tandem aggredi. Ejus
 autem uti ritè fiat exordium & more prisco, age Tu Præ-
 stantissime & ornatissime Juvenis N. N. concende hanc
 cathedram inferiorem; & commilitonibus tuis primò Se-
 renissimi ac Reverendissimi Principis ac Domini, Domini
 Friderici Ducis Brunsvicensis & Lyneburgensis, Postulati
 Coadjutoris Episcopatus Ratzburgensis, Electi Præpositi
 Archiepiscopatus Bremensis, Domini nostri clementissimi,
 rescriptum, deinde Legum nostrarum compendium illud
 quod passim exstat, clara ac distincta voce prælege.

* * *

Audivistis quæ mens sit Serenissimi Principis, audi-
 vistis item quidem fibi velint leges, Auditores humanissi-
 mi. Eo autem simul unicuvis jam liquet, cum quid meum
 quid vestris sit munieris. Nec tamen jam ante, O optimi lu-
 venes, quisquam vestrum potuit officii sui rationem igno-
 rare. Versantur enim inter manus vestras hæ ipsæ leges,
 & quotidie legendæ hoc in loco ac conspiciendæ propo-
 nuntur. Ne nunc dicam, quod pauculis exceptis omnes ille
 neminem recte natum educatum que possint fugere ut quæ
 non heri aut nudiis tertius demum valere cœperint, sed
 jam ante mundum hunc conditum probatae Deo, inde
 cum ipsa hominum origine in notitiam pervenerint Neu-
 tiquam enim vobis leges proponimus more Romanorum
 Prætorum veterum, in annum unum valitas de cætero
 mobiles imò momentaneas. Nihil penè nostrarum non du-
 rabile ac perpetuum imò jam æternum. Nam & quas ex
 constituto produisse dixeris, ab honesti illa & justi æterna-

natu-

natura vel parum vel nihil abeunt. Contra certè non pugnant. Quod hīc demonstrare non patitur institutum. Nihil itaque superest, quām ut & ego & vos pro se quique, id quod officii ratio posulat, prāstemus. Atque de me quidem promptam voluntatem, omnia iuta, privilegia, & quæ alia aut totius Academicī sunt corporis, aut ad Vos (O carissimi Iuvenes) seorsim pertinent, conservandi tuendique, audeo hīc publicē polliceri. Vestrūm jus meum jus est, vestra injuria injuria mea. Absit enim ut vos, quorum tutelam ipsa natura, Cæsares, Reges, Principes tam sanctè nobis commendarunt, nobis scientibus impune quisquam lacestat. Quisquis vos læserit sine discriminē is & me & Senatum Academicum vindicem experietur. Namque ut & ante dixi de me non nisi voluntatem pollicor: facultatem autem & Serenissimus Princeps meus & Amplissimus ille Senatus addet. Qui profecto paterno vos amore prosequuntur. De Vobis, O suavissimi, pariter non nisi optima mihi promitto. Et verò quur non promitterem? quum potior certè pars vestri probis sit moribus atque ad solidam virtutis ac doctrinæ laudem adspiret. Sint itaque nonnulli minus boni. Emendabuntur etiam ipsi, spero, bonorum consortio. Sin, nos certè non patiemur, ut paucorum improbitate aliorum integritas contaminetur: sed illos ut infelix lolium extirpabimus & ejiciemus foras. Vos nimis estis spes Germaniae, Vos estis seminarium reipublicæ labalentis, si quæ ulla post futura est. Vos estis Ecclesiæ nunc passim ruentis solatium. Si Vos regia via ad pietatem & eruditio- nem grassabimini, etiam Germania benè erit, & Republica pariter atque Ecclesia revirescat. Sin minus, actum est de Republ. actum de Ecclesiâ, actum de vobis omnibus.

X 2

Sed

Sed, Dii meliora piis erroremq; hostibus illum. Quin potius,
ô boni. vincite ipsam spem nostram ; contendite mecum
cumque Senatu Academicō, quis alter alterum diligentia
& industriā possit superare. Ita feliciter decurret nobis
omnibus hic annus. Ita Deo & hominibus erimus grati.
Quod uti fiat, Te ego, Deus Optime Maxime, oro obse-
croque,

DISSERTATIO SEXTA

RECITATA PRIDIE KAL. IULII
ANNO CICD IDCXL+

Quum magistratum Academicum deponerem.

Multum profectò debet respubl. Academicā pro-
ximorum quinque seculorum optimis maximis
Principib; Quanquam enim de re literaria
ejusque cum magistris tum studiosis præclarè
meriti sint Ægyptii, Græci, Romani; neque in docentes ne-
que in discentes tamen ea ab illis collata sunt beneficia,
(Si quod res est velimus fateri, ut debemus fateri nisi ingrati-
tudinis notam velimus incurrire) quibus hodie gaudent,
quotquot in Academicis scholis sive discendi gratia vivi-
mus sive docendi munere perfungimur. Totum enim
hoc, quo consistit hæc qualiscunque reipubl. forma, quar-
to abhinc seculo demum est natum: omni à condito hoc
universo intervallo sicut ignotum. Id quod quoniam ex
hoc ipso loco publice verba faciens, nisi admodum me fal-
lo, luculente alias comprobavi, non à me iterum ostendi
nunc parest.

Etsi autem Professores nos per sane multū debeat
mus